

慨壯烈讀書以名節自勵癸未獻賊薄城亟招匠
造木主人不解其故城陷越四日賊已焚殺聞
睿名大索睿乃自題木主曰明苦節明生之位設
祭畢曰吾祖若父爲王臣幾三百年吾食廩餼亦
三十年一旦反面從賊生不如死謂妻子曰若等
速逃吾得死所勿以我爲念妻陳氏曰君死吾豈
忍獨生請先君死遂赴井睿繼之長子曰吾當從
吾父母於地下踊身入井其弟三人暨女弟又二
鬻者揮涕爭赴井皆死焉閱數月淘得之凡
九人聖人稱之曰明井

武昌府志

人物

卷之八

三

朱肇超

字德心楚藩宗支崇陽郡藩七代孫任俠

負氣力能扛鼎嘗摩娑一劍酒酣耳熱輒撫而睨
之曰吾當與若相終始人莫測也崇禎末寇逼隣
境遂命家人從屋後掘一池日徘徊於其上或沉
吟若有思或忽視劍咤叱裂眦髯畢張厲聲不輟
及城受圍集妻子池傍大呼曰我托身肺腑誓不
與賊俱生城亡汝輩義不可辱當死此少濡忍惟
有劍耳已而城破舉家如其言皆躍入池中死超
仗劍率家丁巷戰殺賊數十人賊大至力不支遂
自刎閨中有五日面如生從孫盛浚焚其骸